

**- UPRAVNI ODBOR -**

Broj: 02-9-1/22

Sarajevo, 14. 04. 2022. godine

**Z A P I S N I K**  
**SA 3. REDOVNE SJEDNICE UPRAVNOG ODBORA UNIVERZITETA**  
**U SARAJEVU ODRŽANEU ČETVRTAK 14. 04. 2022. GODINE**  
**U 14:15 SATI**

**Prisutni članovi Upravnog odbora (pozvani putem e-maila):** prof. dr. Jasminka Gradašćević-Sijerčić, Alma Sarić, Ismeta Čardaković, akad. prof. dr. Dejan Milošević, prof. dr. Kasim Bajrović, prof. dr. Aida Hodžić.

**Odsutni članovi Upravnog odbora:** predsjednik dr. sc. Murat Ramadanović, Mersiha Šabaredžović-Klačar, prof. ddr. Lidija Zvačko, prof. dr. Maida Čohodar Husić i Hamza Vahid El-Din, predstavnik studenata.

**Ostali prisutni (obaviješteni putem e-maila):** prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, Kenan Filipović generalni sekretar, Ekrem Čagalj, rukovodilac Jedinice za internu reviziju, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove, Belma Hajradinović, viši stručni saradnik Službe za pravne poslove i Semir Đulić, viši stručni saradnik Službe za pravne poslove.

**Ostali odsutni:** prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju.

Sjednica je počela u 14:15 sati.

U uvodnom dijelu sjednice prof. dr. Jasminka Grašćević-Sijerčić je istakla da zbog *privremene spriječenosti* dr. sci. Murata Ramadanovića, predsjednika Upravnog odbora Univerziteta u Sarajevu da sazove i predsjedava sjednicom Upravnog odbora, radi pogoršanog zdravstvenog stanja, sjednicu je sazvala i njom predsjedavala imenovana, u svojstvu ovlaštenog člana Upravnog odbora Univerziteta u Sarajevu.

Naime, prema odredbama člana 13. Poslovnika o radu Upravnog odbora Univerziteta u Sarajevu, broj: 02-1-2-1/22 od 07. 02. 2022. godine, u slučaju privremene spriječenosti predsjednika Upravnog odbora, sjednicu može sazvati i njom predsjedavati član Upravnog

odbora kojeg ovlasti predsjednik Upravnog odbora, te se u istoj odredbi utvrđuje i to da ovlaštenu ima sva ovlaštenja predsjednika Upravnog odbora u vezi sa održavanjem sjednice kojom predsjedava.

Nadalje, prof. dr. Jasminka Gradašćević-Sijerčić konstatira da postoji potreban kvorum za odlučivanje, te da sjednici prisustvuje 6 (šest) članova Upravnog odbora Univerziteta u Sarajevu, nakon čega je otvorila 3. redovnu sjednicu Upravnog odbora Univerziteta u Sarajevu (dalje: *Upravni odbor*).

U odnosu na dostavljene materijale (naknadno dostavljene, čije se razmatranje zbog rokova i daljeg poduzimanja aktivnosti smatra neodložnim) prof. dr. Jasminka Gradašćević-Sijerčić je predložila dopunu Prijedloga Dnevnog reda na sljedeći način:

- a) Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Univerziteta u Sarajevu – Farmaceutskog fakulteta – sa prijedlogom da predmetni materijal bude razmatran pod tačkom 4.1.
- b) Prijedlog Odluke kojom se odobrava prof. dr. Rifatu Škrijelju, rektoru Univerziteta u Sarajevu, službeno putovanje u Novi Pazar, Republiku Srbiju, radi svečanog prijema povodom obilježavanja Dana grada Novog Pazara - sa prijedlogom da predmetni materijal bude razmatran pod tačkom 6.1.

Nadalje, prof. dr. Jasminka Gradašćević-Sijerčić napominje da je u okviru tačke 2. koja se odnosi na Izvještaj o radu sa finansijskim poslovanjem Univerziteta u Sarajevu za 2021. godinu, dostavljen Nalaz interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu. Sa dodatnim dopunama, Upravni odbor je sa 6 (osam) glasova „za“, usvojio dnevni red, kako *sljedeći*:

## DNEVNI RED

1. Usvajanje Zapisnika sa 2. (druge) redovne sjednice Upravnog odbora Univerziteta u Sarajevu od 21. 03. 2022. godine
2. Izvještaja o radu sa finansijskim poslovanjem:
  - a) Razmatranje Izvještaja o radu sa finansijskim poslovanjem Univerziteta u Sarajevu za 2021. godinu
  - b) Nalaz interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu
3. Dokument okvirnog Budžeta Kantona Sarajevu za period 2023-2025. godina
4. Plan javnih nabavki Univerziteta u Sarajevu:
  - a) Informacija o provedenom postupku javne nabavke robe električna energija za Univerzitetu Sarajevu i organizacione jedinice
  - b) Prijedlog izmjene i dopune Plana javnih nabavki Univerziteta u Sarajevu za 2022. godinu u dijelu: a) Univerzitet u Sarajevu i b) Univerzitet u Sarajevu - Prirodno-matematički fakultet.
- 4.1. Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Univerziteta u Sarajevu – Farmaceutskog fakulteta

5. Zakup poslovnih prostora na organizacionim jedincima Univerzitetu u Sarajevu:
  - a) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Građevinskog fakulteta
  - b) Davanje saglasnosti na zaključenje Aneksa Ugovora o zakupu poslovnog prostora u okviru Univerziteta u Sarajevu – Stomatološkog fakulteta sa klinikama
6. Davanje saglasnosti rektoru Univerziteta u Sarajevu za potpisivanje Amandmana broj 1 Sporazuma o finansiranju između Univerziteta u Sarajevu i Razvojnog programa Ujedinjenih nacija (UNDP) u BiH o realizaciji II faze programa „Inicijativa za razvoj infrastrukture u Bosni i Hercegovini – Rekonstrukcija i uređenje zelenih i sportskih površina u okviru Kampusa Univerziteta u Sarajevu.
- 6.1. Razmatranje Prijedloga Odluke kojom se odobrava prof. dr. Rifatu Škrijelju, rektoru Univerziteta u Sarajevu, službeno putovanje u Novi Pazar, Republiku Srbiju, radi svečanog prijema povodom obilježavanja Dana grada Novog Pazara.
7. Utvrđivanje visine školarine na studijskim programima organizacionih jedinica Univerziteta u Sarajevu:
  - a) Treći ciklus studija – „Doktorski studij iz Šumarstva“ na Univerzitetu u Sarajevu – Šumarskom fakultetu
  - b) Dvogodišnji stručni studij „Informacione tehnologije u upravi“ koji zajednički realiziraju Univerzitet u Sarajevu – Prirodno-matematički fakultet i Fakultet za upravu – pridružena članica Univerziteta u Sarajevu
  - c) Dualni studij – „Dentalna higijena“ na Univerzitetu u Sarajevu – Stomatološkom fakultetu sa klinikama
8. Prijedlog Univerziteta u Sarajevu – Stomatološkog fakulteta sa klinikama za donaciju stomatoloških stolica
9. Davanje saglasnosti dekanu Univerziteta u Sarajevu – Prirodno-matematičkog fakulteta za objavu Javnog poziva za prikupljanje ponuda za postavljanje reklamnog panoa na krovu zgrade Univerziteta u Sarajevu – Prirodno-matematičkog fakulteta
10. Inicijativa Univerziteta u Sarajevu – Prirodno-matematičkog fakulteta za dopunu Odluke Upravnog odbora Univerziteta u Sarajevu broj: 02-35-1/21 od 29. 10. 2021. godine
11. Informacije
  - a) Obavijest o dopuni Dinamičkog plana Univerziteta u Sarajevu - Prirodno-matematičkog fakulteta i Univerziteta u Sarajevu – Ekonomskog fakulteta za akademsku 2021/2022. godinu

### T O K S J E D N I C E

#### Ad-1.

U okviru *tačke 1.* razmatran je Prijedlog Zapisnika sa 2. (druge) redovne sjednice Upravnog odbora Univerziteta u Sarajevu od 21. 03. 2022. godine, isti je jednoglasno usvojen.

## Ad-2.

U okviru tačke 2. razmatran je Izvještaj o radu sa finansijskim poslovanjem Univerziteta u Sarajevu za 2021. godinu, kao i Nalaz interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu.

U okviru date tačke predsjedavajuća sjednice je otvorila kraću diskusiju u kojoj su učešće uzeli: Ismeta Čardaković, članica Upravnog odbora, Alma Sarić, članica Upravnog odbora, prof. dr. Jasminka Gradašćević-Sijerčić, članica Upravnog odbora, prof. dr. Kasim Bajrović, član Upravnog odbora, prof. dr. Rifat Škrijelj, rektor Univerziteta, prof. dr. Tarik Zaimović, prorektor za finansije Univerziteta, Merisa Kuratović, rukovodilac Pomoćnog operativnog centra za visoko obrazovanje, Ekrem Čagalj, rukovodilac Jedinice za internu reviziju.

Za riječ se javio prof. dr. Rifat Škrijelj, rektor Univerziteta koji je dao određene uvodne napomene, sa osvrtom na narativni dio Izvještaja o radu Univerziteta u protekloj godini, te istakao da je u odnosu na odredbe Zakona o visokom obrazovanju predmetni Izvještaj dostavljen blagovremeno.

Nadalje, u odnosu na dio koji se odnosi na finansijsko poslovanje visokoškolske ustanove prof. dr. Tarik Zaimović, prorektor za finansije Univerziteta u Sarajevu je dao određene uopćene napomene da je isti sastoji iz dva dijela i to: narativni dio i finansijski dio, sa posebnim osvrtom da je u protekom periodu došlo do reorganizacije na Univerzitetu, odnosno do okončanja postupka pripajanja organizacionih jedinica Univerzitetu tj. postupka integracije.

Ismeta Čardaković, članica Upravnog odbora konstatira da je u prethodnom period napravljen vrlo složen posao u finansijskom smislu, sa osvrtom da je u izlaganju prof. dr. Tarika Zaimovića pojednostavljen taj proces koji je okončan, te je imenovana uputila upit prof. dr. Tariku Zaimoviću, resornom prorektoru, da li je u jedinstvenom informacionom sistemu predviđeno praćenje projekata. Na dati upit, prof. dr. Tarik Zaimović je istakao da se još neki segmenti uspostavljaju, aludirajući i na proces praćenja projekata u dijelu računovodstva.

Prof. dr. Jasminka Gradašćević-Sijerčić, članica Upravnog odbora je istakla da je 2021. studijska, finansijska godina protekla u znaku integracije. Nadalje se osvrnula na Izvještaj o radu u dijelu sjednica Upravnog odbora, te je istakla da je Upravni odbor održao 24 sjednice u prethodnoj godini. U dijelu Izvještaja koji se odnosi na finansijsko poslovanje Univerziteta, članica (u svojstvu predsjedavajuće) je istakla da je evidentna razlika u postojećem stanju i u knjigama.

U daljem toku diskusije, Merisa Kurtanović, rukovodilac Pomoćnog operativnog centra za visoko obrazovanje je istakla da prema važećim propisima nije utvrđena obaveza pisanja vanbilansnih evidencija, te da su četiri organizacione jedinice propustile da naznače ispravan iznos (tri organizacione jedinice su napravile greške i četvrta organizaciona jedinica nije naznačila iznos).

Ekrem Čagalj, rukovodilac Jedinice za internu reviziju Univerziteta je istakao da dostavljeni Nalaz interne revizije o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu, obuhvata sedam oblasti/odjeljaka, te je kao problem istakao da članice nisu u obrascima iskazali stvarno stanje, te je to usaglasavanje oduzelo vrijeme.

Nadalje, prof. dr. Aida Hodžić, članica Upravnog odbora je postavila upit rukovodstvu Univerziteta šta podrazumijeva podatak da je Univerzitet u minusu preko 100 miliona.

Prof. dr. Tarik Zaimović, prorektor za finansije Univerziteta je istakao da je sačinjeni Izvještaj korektan, ali da obrasci ne mogu prikazati stvarno stanje, te da je zapravo takav rezultat nastao kao posljedica popunjenih (utvrđenih od strane resornog Ministarstva) obrazaca koji se dostavljaju resornom Ministarstvu, uz Izvještaj.

Nadalje je Alma Sarić, članica Upravnog odbora konstatirala da je uvijek višak rashoda nad prihodima, te da se razumije forma obrasca. Ali se treba dopuniti u kontekstu da se naznači stvarno stanje.

Ismeta Čardaković, članica Upravnog odbora je daljem toku sjednice istakla da su podaci korektno izneseni, te da se utrošena sredstava u iznosu od 110 miliona odnose na utrošak budžetskih sredstava, ali da Univerzitet kao neprofitna organizacija ne može ostvariti poslovanje, odnosno u pogledu poslovanja biti u minusu u visini od 110 miliona.

Prof. dr. Rifat Škrijelj, rektor Univerziteta je naveo da je u odnosu na početku prvog mandata evidentan napredak, što je ujedno naveo i rukovodilac Jedinice za internu reviziju. Nadalje, imenovani navodi da je Univerzitet poslovao sa 110 miliona gubitka, nego da je finansijski plan Univerziteta realiziran onako kako je i planirano i da je bitno naglasiti da ranije pomenuti obrazac ne prikazuje stvarno stanje, jer Univerzitet nije profitna organizacija.

U daljem toku diskusije prof. dr. Tarik Zaimović ističe da izmjena obrazaca nije moguća trenutno jer je taj obrazac utvrdilo Federalno ministarstvo finansije, te je s tim u vezi uputio zamolbu da se nalaz dopuni sa alinejom (kao dodatno objašnjenje) da taj iznos poslovanja u minusu od 110 miliona jeste rezultat obrazaca, koji nije prikaz stvarnog stanja.

Alma Sarić, članica Upravnog odbora se u daljem toku diskusije referirala na preporuke Jedinice interne revizije koje se odnose na plan javnih nabavki (tačnije 9 preporuka o kojima je rukovodilac Jedinice za internu reviziju u prethodno periodu izvještavao članove Upravnog odbora), sa upitom je su li od strane organizacionih jedinica dostavljeni dokazi da su preporuke realizirane. Nadalje je imenovana navela i to da je na prethodnoj redovnoj sjednici Upravnog odbora, održanoj 14. 04. 2022. godine, utvrđeno da su organizacione jedinice koje nisu dostavile dokaz o realizaciji preporuka, obavezne iste dostaviti, te je sugerisala da u Nalazu jedinice za internu reviziju treba navesti i druge osobe s kojima se koordiniralo pri izradi nalaza, uključujući i osobe koje su bile zadužene za koordinaciju pri izradi istog ispred organizacionih jedinica.

U završnom dijelu diskusije, prof. dr. Jasminka Gradašćević-Sijerčić, članica Upravnog odbora je istakla da je neophodno izvršiti harmoniziranje svih aspekata finansijskog poslovanja prije stavljanja materijala na razmatranje i usvajanje tijelima Univerziteta.

- a) Uz prihvatanje prijedloga prof. dr. Jasminke Gradašćević-Sijerčić, Upravni odbor je sa 6 (šest) glasova „za“, donio sljedeću

## O D L U K U

### I

Usvaja se Izvještaj o radu sa finansijskim poslovanjem Univerziteta u Sarajevu za 2021. godinu sa Nalazom Interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu broj: IR-05/22 od marta 2022. godine.

### II

Upravni odbor Univerziteta u Sarajevu Izvještaj i Nalaz Interne revizije Univerziteta u Sarajevu iz tačke I ove odluke u zakonski utvrđenom roku podnosi Vladi Kantona Sarajevo odnosno Skupštini Kantona Sarajevo na dalje postupanje.

### III

Ova odluka stupa na snagu danom donošenja.

- b) Upravni odbor je sa 6 (šest) glasova „za“, donio sljedeću

## O D L U K U

### I

Usvaja se Nalaz Interne revizije Univerziteta u Sarajevu o provedenom nadzoru o finansijskim procesima na Univerzitetu u Sarajevu i organizacionim jedinicama za 2021. godinu broj: IR-05/22 od marta 2022. godine, koji čini sastavni dio ove odluke.

### II

Upravni odbor Univerziteta u Sarajevu konstatira da u odnosu na navode u Nalazu Interne revizije iz tačke 1. ove odluke u dijelu „4.5.1.2. - Rashodi, izdaci i finansiranje“, kojim se naznačava finansijski rezultat, tokom 2021. godine na Univerzitetu u Sarajevu i organizacionim jedinicama nije bilo negativnog finansijskog poslovanja.

### III

Upravni odbor Univerziteta u Sarajevu konstatira da je u odnosu na navode u Nalazu Interne revizije iz tačke 1. ove odluke u dijelu „2.1.7. – Osobe u komunikaciji za godišnji nalaz“ neophodno navesti u budućem izvještavanju sve ovlaštene osobe koje su sudjelovale u postupku pripreme Nalaza Interne revizije.

#### IV

Upravni odbor Univerziteta u Sarajevu konstatira da je u narednom periodu, prije izvještavanja odnosno razmatranja i usvajanja Nalaza/Izvještaja Interne revizije od strane Upravnog odbora Univerziteta u Sarajevu, neophodno provesti sveobuhvatan postupak usaglašavanja sa svim ovlaštenim tijelima Univerziteta.

#### V

Nalaz Interne revizije iz tačke I ove Odluke sastavni je dio Izvještaja o radu sa finansijskim poslovanjem Univerziteta u Sarajevu za 2021. godinu.

#### VI

Ova odluka stupa na snagu danom donošenja.

#### Ad-3.

U okviru *tačke 3.* razmatran je Dokument okvirnog Budžeta Kantona Sarajevu za period 2023-2025. godina. Nakon što je Odbor za finansije razmatrao dostavljeni Dokument okvirnog Budžeta Kantona Sarajevu za period 2023-2025. godina, te dao Mišljenje, broj: 0105-3804-1/22 od 04. 04. 2022. godine, kao i nakon razmatranja i usaglašavanja prijedloga na sjednici Senata, donesena je Odluka Senata Univerziteta u Sarajevu, broj: 01-5-3/22 od 13. 04. 2022. godine i isti upućen na konačno odlučivanje Upravnog odbora. S tim u vezi Upravni odbor je sa 6 (šest) glasova „za“, donio sljedeću

### ODLUKU

#### I

Prihvataju se prijedlozi prioriteta Univerziteta u Sarajevu i organizacionih jedinica Univerziteta u Sarajevu za izradu Dokumenta okvirnog budžeta (DOB) Kantona Sarajevo za period 2023-2025. godina u skladu sa Zakonom o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) i isti čine sastavni dio ove odluke.

#### II

Zadužuje se Služba za plan i analizu Univerziteta u Sarajevu da Prijedlog Dokumenta okvirnog budžeta za period 2023-2025. godine putem Ministarstva za nauku, visoko obrazovanje i mlade Kantona Sarajevo dostavi Ministarstvu finansija Kantona Sarajevo.

#### III

Ova odluka stupa na snagu danom donošenja.

#### Ad-4.

U okviru *tačke 4.* razmatrani su materijali koji se odnose na javne nabavke, kako slijedi:

- a) Informacija o provedenom postupku javne nabavke robe električna energija za Univerzitetu Sarajevu i organizacione jedinice – koja je primljena k znanju.
- b) Prijedlog izmjene i dopune Plana javnih nabavki Univerziteta u Sarajevu za 2022. godinu u dijelu:
  - Univerzitet u Sarajevu
  - Univerzitet u Sarajevu - Prirodno-matematički fakultet

U odnosu na zahtjeve koji se odnose na izmjene i dopune Plana javnih nabavki u dijelu organizacionih jedinica, Upravni odbor je sa 6 (šest) glasova „za“, donio sljedeću

## O D L U K U

**o izmjeni i dopuni Plana javnih nabavki integrisanog Univerziteta u Sarajevu za 2022. godinu broj: 02-7-3/22 od 02. 03. 2022. godine**

### I

Usvaja se izmjena i dopuna Plana nabavki integrisanog Univerziteta u Sarajevu za 2022. godinu utvrđenog Odlukom Upravnog odbora Univerziteta u Sarajevu broj: 02-7-3/22 od 02.03.2022. godine.

### II

Ova Odluka stupa na snagu danom donošenja, a biti će objavljena i na internetskoj stranici Univerziteta u Sarajevu, odmah po donošenju.

#### **Ad-4.1.**

U okviru *tačke 4.1.* razmatrana je izmjena Pravilnika o izmjenama i dopunama Pravilnika o unutrašnjoj organizaciji i sistematizaciji radnih mjesta Univerziteta u Sarajevu – Farmaceutskog fakulteta, ista je donesena jednoglasno od strane Upravnog odbora.

#### **Ad-5.**

U okviru *tačke 5.* razmatrani su zahtjevi organizacionih jedinica koji se odnose na zakup poslovnih prostora na organizacionim jedincima Univerzitetu u Sarajevu i to:

- a) Davanje saglasnosti na zaključenje Ugovora o zakupu poslovnog prostora u okviru Univerziteta u Sarajevu – Građevinskog fakulteta
- b) Davanje saglasnosti na zaključenje Aneksa Ugovora o zakupu poslovnog prostora u okviru Univerziteta u Sarajevu – Stomatološkog fakulteta sa klinikama
- a) Bez prethodne diskusije, Upravni odbor je sa 6 (šest) glasova „za“, donio sljedeću

## O D L U K U

### I

Daje se saglasnost za zaključenje Ugovora o zakupu poslovnog prostora Univerziteta u Sarajevu – Građevinskog fakulteta između ugovornih strana s jedne strane Univerziteta u Sarajevu, kao zakupoprimca kojeg zastupa prof. dr. Rifat Škrijelj, rektor Univerziteta i s druge strane sa odabranog ponuđačem – So.ba d.o.o. Sarajevo, kojeg zastupa Davor Guberović, direktor.

### II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Univerziteta u Sarajevu – Građevinskog fakulteta za zaključenje Ugovora iz tačke I ove odluke.



### III

Saglasnost iz tačke I. se daje uz obavezni raskidni uslov u ugovoru koji obavezuje ponuđača da u roku od najkasnije 12 (dvanaest) mjeseci od dana/datuma obostranog potpisivanja predmetnog ugovora dostavi uvjerenje (dr. dokaz) Porezne uprave o uredno izmirenim doprinosima (PIO/MIO i zdravstvo), te se Univerzitet u Sarajevu – Građevinski fakultet obavezuje da o istom dostavi informaciju Upravnom odboru.

### IV

Ova odluka stupa na snagu danom donošenja.

- b) U odnosu na Zahtjev Univerziteta u Sarajevu – Stomatološkog fakulteta sa klinikama, broj: 01-3-74-13/21 od 01. 04. 2022. godine, kojim se traži izmjena postojećeg Ugovora o zakupu prostora Univerziteta u Sarajevu – Stomatološkog fakulteta sa klinikama, broj: 01-3-74-9/21 zaključenog 01. 04. 2021. godine između ugovornih strana s jedne strane Univerziteta u Sarajevu – Stomatološkog fakulteta, kao zakupoprimca i s druge strane sa odabranim ponuđačem – Tehno Dental, kojeg zastupa Dejan Jelenković, direktor, Upravni odbor je sa 6 (šest) glasova „za“, donio sljedeću

## ODLUKU

### I

Daje se saglasnost za zaključenje Anexa Ugovora o zakupu poslovnog prostora Univerziteta u Sarajevu – Stomatološkog fakulteta sa klinikama između ugovornih strana s jedne strane Univerziteta u Sarajevu, kao zakupoprimca kojeg zastupa prof. dr. Rifat Škrijelj, rektor Univerziteta i s druge strane sa odabranog ponuđačem – Tehno Dental, kojeg zastupa Dejan Jelenković, direktor.

### II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Univerziteta u Sarajevu – Stomatološkog fakulteta sa klinikama za zaključenje Ugovora iz tačke I ove odluke.

### III

Ova odluka stupa na snagu danom donošenja.

#### **Ad-6.**

U okviru tačke 6. razmatran je Zahtjev upućen od strane Kabineta Univerziteta u Sarajevu za davanje saglasnosti za potpisivanje Aneksa o realizaciji II faze programa *Inicijativa za razvoj infrastrukture u Bosni i Hercegovini – Rekonstrukcija i uređenje zelenih i sportskih površina u okviru Kampusa Univerziteta u Sarajevu* od 0101-4020/22 od 08. 04. 2022. godine. Stoga je Upravni odbor sa 6 (šest) glasova „za“, donio sljedeću

## ODLUKU

### I

Daje se **saglasnost** za pružanje finansijske podrške Univerziteta u Sarajevu u cilju realiziranja projekta u okviru Razvojnog programa Ujedinjenih nacija (UNDP) u BiH pod nazivom *Inicijativa za razvoj infrastrukture u Bosni i Hercegovini*, u svrhu implementacije projekta *Rekonstrukcije i uređenja zelenih i sportskih površina u okviru Kampusa Univerziteta u Sarajevu* u iznosu od 208.000,00 KM (slovima: dvijestotinesam konvertibilnihmaraka) po rasporedu uplate nakon potpisivanja Amandmana broj 1.

### II

Daje se **saglasnost** rektoru Univerziteta u Sarajevu na zaključivanje Amandmana broj 1 Sporazuma o finansiranju između Univerziteta u Sarajevu i Razvojnog programa Ujedinjenih nacija (UNDP) u BiH o realizaciji II faze programa „Inicijativa za razvoj infrastrukture u Bosni i Hercegovini – Rekonstrukcija i uređenje zelenih i sportskih površina u okviru Kampusa Univerziteta u Sarajevu, a čiji je sastavni dio i Aneksa A kroz implementaciju projekta *Inicijativa za razvoj infrastrukture u Bosni i Hercegovini*.

### III

Ova odluka stupa na snagu danom donošenja.

#### Ad-6.1.

Postupajući prema odredbama člana 3. stav (3) Pravilnika o službenim putovanjima na Univerzitetu u Sarajevu sa pratećim izmjenama i dopunama, Upravni odbor sa 6 (šest) glasova „za“, donio sljedeću

## ODLUKU

### I

Odobrava se prof. dr. Rifatu Škrijelju, rektoru Univerziteta u Sarajevu, službeno putovanje u Novi Pazar, Republiku Srbiju, radi svečanog prijema povodom obilježavanja Dana grada Novog Pazara.

### II

Službeno putovanje će trajati dva dana i to u periodu od 20. - 21. aprila 2022. godine, uz korištenje prevoznog sredstva službenog automobila.

### III

Na ime službenog putovanja odobravaju se novčana sredstva u skladu sa relevantnim općim aktima Univerziteta u Sarajevu, koja će se isplatiti sa računa Univerziteta u Sarajevu.

### IV

Zadužuje se Služba za računovodstvo i finansije Univerziteta u Sarajevu i Pomoćni operativni centar za visoko obrazovanje Univerziteta u Sarajevu za realizaciju ove odluke.

### V

Ova odluka stupa na snagu danom donošenja.

#### Ad-7.

U dijelu *tačka 7.* razmatrani su zahtjevi za utvrđivanje visine školarine na studijskim programima organizacionih jedinica Univerziteta u Sarajevu:

- a) Treći ciklus studija – „Doktorski studij iz Šumarstva“ na Univerziteta u Sarajevu – Šumarskom fakultetu
- b) Dvogodišnji stručni studij „Informacione tehnologije u upravi“ koji zajednički realiziraju Univerzitet u Sarajevu – Prirodno-matematički fakultet i Fakultet za upravu – pridružena članica Univerziteta u Sarajevu
- c) Dualni studij – „Dentalna higijena“ na Univerzitetu u Sarajevu – Stomatološkom fakultetu sa klinikama
- a) Prema utvrđenoj proceduri na prijedlog Senata Univerziteta u Sarajevu koji je utvrđen Odlukom broj: 01-2-55/22 od 23. 02. 2022. godine, a u skladu sa Odlukom Vlade Kantona Sarajevo o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu, te fakulteta i akademija u njegovom sastavu, broj: 02-05-19288-9/09 od 11. 06. 2009. godine sa prtećim izmjenama i dopunama, sačinjen je prijedlog akta koji je upućen Upravnom odboru na razmatranje. Upravni odbor je bez prethodne diskusije sa 6 (šest) glasova „za“, donio sljedeću

### ODLUKU

#### I

Utvrđuje se visina školarine za treći ciklus studija – Doktorski studij iz Šumarstva u ukupnom iznosu od 21.000,00 KM (slovima: dvadesetijednahiljada konvertibilnihmaraka) po studentu odnosno u iznosu od 7.000,00 KM (slovima: sedamhiljada konvertibilnihmaraka) po godini studija.

#### II

Ova odluka stupa na snagu danom donošenja, a primjenjuje se nakon dobivene saglasnosti Vlade Kantona Sarajevu.

- b) Nadalje, Upravnom odboru Univerziteta u Sarajevu je radi utvrđivanja visine školarine dostavljena na razmatranje Odluka Senata Univerziteta u Sarajevu broj: 01-4-116/22 od 30. 03. 2022. godine kojom se utvrđuje prijedlog visine školarine odnosno daje saglasnost na cijenu novog studijskog programa - dvogodišnjeg stručnog studija *Informacione tehnologije u upravi* u iznosu od 2.500,00 KM (slovima: dvijehiljadeipetstotina konvertibilnihmaraka) po studentu po godini studija. Upravni odbor je bez prethodne diskusije sa 6 (šest) glasova „za“, donio sljedeću

### ODLUKU

#### I

Utvrđuje se visina školarine dvogodišnjeg stručnog studija *Informacione tehnologije u upravi*, koji će zajednički realizirati Univerzitet u Sarajevu – Prirodno-matematički fakultet i Fakultet za upravu – pridružena članica Univerziteta u Sarajevu, u iznosu od 2.500,00 KM (slovima: dvijehiljadeipetstotina konvertibilnihmaraka) po studentu po godini studija.

## II

Ova odluka stupa na snagu danom donošenja, a primjenjuje se nakon dobivene saglasnosti Vlade Kantona Sarajevu.

- c) Upravnom odboru Univerziteta u Sarajevu je radi utvrđivanja visine školarine dostavljena na razmatranje Odluka Senata Univerziteta u Sarajevu broj: 01-4-117/22 od 30. 03. 2022. godine kojom se utvrđuje prijedlog visine školarine odnosno daje saglasnost na cijenu novog studijskog programa Dualnog studija – Dentalna higijena u iznosu od 5.600,00 KM (slovima: pethiljadaišeststotina konvertibilnihmaraka) po studentu po godini studija. Upravni odbor je bez prethodne diskusije sa 6 (šest) glasova „za“, donio sljedeću

## ODLUKU

### I

Utvrđuje se visina školarine novog trogodišnjeg studijskog programa Dualnog studija – Dentalna higijena u na Univerzitetu u Sarajevu – Stomatološkom fakultetu sa klinikama iznosu od 5.600,00 KM (slovima: pethiljadaišeststotina konvertibilnihmaraka) po studentu po godini studija.

### II

Ova odluka stupa na snagu danom donošenja, a primjenjuje se nakon dobivene saglasnosti Vlade Kantona Sarajevu.

### Ad-8.

U okviru tačke 8. razmatrana je Molba za donaciju, broj: 04-11-17-615/22 od 17. 03. 2022. godine, kao i Prijedlog Univerziteta u Sarajevu – Stomatološkog fakulteta sa klinikama, broj: 01-3-5-2/22 od 31. 03. 2022. godine, iniciran na osnovu Molbe Ministarstva zdravstva Kantona Sarajevo putem Kabineta premijera Kantona Sarajevo, broj: 02/01-11-11639 od 18. 03. 2022. godine. U odnosu na predmetnu Molbu/zahtjev Upravni odbor je sa 6 (šest) glasova „za“, donio sljedeću

## ODLUKU

**o izmjeni Odluke Upravnog odbora o rashodovanju stomatološke opreme broj: 02-84/19 od 24. 07. 2019. godine**

### I

U Odluci Upravnog odbora Univerziteta u Sarajevu o rashodovanju stomatološke opreme broj: 02-84/19 od 24. 07. 2019. godine, mijenja se tačka I. na način da se briše stomatološka oprema - 2 (dvije) stomatološke stolice sa stomatološkom mašinom čija je nabavka izvršena 05. 03. 2014. godine, vrijednost nabavke u iznosu od 13.480,60 KM, prema procijenjenoj vrijednosti u iznosu od 4.322,60 KM (procjena izvršena 2019. godine).

### II

Stomatološka oprema iz tačke I. na prijedlog dekana Univerzitet u Sarajevu – Stomatološkog fakulteta sa klinikama donira se JU Domu zdravlja „Dr. Isak Samokovlija“ Goražde i to: 2

(dvije) stomatološke stolice sa stomatološkom mašinom – prema podcijenjenoj vrijednosti u iznosu od 4.322,60 KM (procjena izvršena 2019. godine).

### III

Oprema iz stava I. ove odluke se prenosi bez naknade prava vlasništva u korist JU Dom zdravlja „Dr. Isak Samokovlija“ Goražde.

### IV

Na osnovu ove odluke Univerzitet u Sarajevu/Stomatološki fakultet sa klinikama će zaključiti Ugovor o donaciji sa JU Dom zdravlja „Dr. Isak Samokovlija“ Goražde.

### V

Odluka stupa na snagu danom donošenja.

#### **Ad-9.**

U okviru *tačke 9.* razmatrana Zahtjev dekana Univerziteta u Sarajevu – Prirodno-matematičkog fakulteta prof. dr. Nusreta Dreškovića za davanje saglasnosti za provođenje javnog poziva prikupljanja ponuda za postavljanje reklamnog panoa na krovu visoke zgrade Univerziteta u Sarajevu – Prirodno-matematičkog fakulteta na adresi Zmaja od Bosne, 33, Sarajevo. Postupajući po istom Upravni odbor je sa 6 (šest) glasova „za“, donio sljedeću

### ODLUKU

#### I

Daje se **saglasnost** dekane Univerziteta u Sarajevu – Prirodno-matematičkog fakulteta prof. dr. Nusretu Dreškoviću za provođenje javnog poziva prikupljanja ponuda za postavljanje reklamnog panoa na krovu zgrade Univerziteta u Sarajevu – Prirodno-matematičkog fakulteta na adresi Zmaja od Bosne, 33, Sarajevo, uz obavezu poštivanja Ugovora o poslovno-tehničkoj saradnji zaključenog između Univerziteta u Sarajevu – Prirodno-matematičkog fakulteta i Violete d.o.o. Grude zaključenog od 25. 09. 2017. godine.

#### II

Ova odluka stupa na snagu danom donošenja.

#### **Ad-10.**


Inicijativa Univerziteta u Sarajevu – Prirodno-matematičkog fakulteta za dopunu Odluke Upravnog odbora Univerziteta u Sarajevu broj: 02-35-1/21 od 29. 10. 2021. godine je povučena s Dnevnog reda, jer za razmatranje dostavljenih materijala nije bilo dovoljno informacija u trenutnu razmatranja predmetne Inicijative.

#### **Ad-11 – Tekuća pitanja.**

U okviru *tekućih pitanja – informacija*, dostavljene su obavijest o dopuni Dinamičkog plana Univerziteta u Sarajevu - Prirodno-matematičkog fakulteta i Univerziteta u Sarajevu – Ekonomskog fakulteta za akademsku 2021/2022. godinu, iste su primljene k znanju.

Audiozapis sa 3. (treće) redovne sjednice Upravnog odbora Univerziteta u Sarajevu pohranjen je u arhivi Univerziteta u Sarajevu i čini sastavni dio Zapisnika.

Sjednica je završena u 16:36 sati.

  
*Prof. dr. Jasminka Gradašćević-Sijerčić, po  
Ovlaštenju predsjednika Upravnog odbora  
Univerziteta u Sarajevu broj: 02-14/22 od 06.  
05. 2022. godine*

Zapisničar:

  
Belma Hajradinović, MA prava